



Pranuar / Dorezuar Punë/Prodato Received/Delivety	27-03/2023	3	viti god year
Organ /Injesta Org /Jedimca Org /Unit	Nr Prot Br Prot Prot No	Shujca Prileg Appendix	Sasia Kolicina Quantity
SKAMSHICK	3033/2023		1/4



**Republika e Kosovës**  
**Republika Kosova – Republic of Kosovo**

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**NEZAVISNI NADZORNI ODBOR CIVILNE SLUŽBE KOSOVA**  
**INDEPENDENT OVERSIGHT BOARD FOR THE CIVIL SERVICE OF KOSOVO**

A.nr.367/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Malsore Gashi Bajraktari-kryetare, Ardita Haxhnikaj Demi dhe Arben Mehmeti-anëtarë me Avdyl Bekteshi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.367/2023 të datës 16.02.2023 të parashtruar nga ankuesi me adresë fshati Savrovë, rruga "21 Prilli", në Suharekë, kundër Vendimit me numër protokolli 0088/23 të datës 25.01.2023 të Mbikëqyrësit të NJPB-së në Qendrën e Paraburgimit në Prizren për shqiptimin e masës disiplinore vërejtje, në çështjen juridike "masë disiplinore-vërejtje", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.2 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 27.03.2023, mori këtë:

**V E N D I M**

- I. Aprovohet si e bazuar** ankesa më numër A.nr.367/2023 e datës 16.02.2023 e parashtruar nga ankuesi
- II. Anulohet** Vendimi me numër protokolli 0088/23 të datës 25.01.2023 të Mbikëqyrësit të NJPB-së në Qendrën e Paraburgimit në Prizren për shqiptimin e masës disiplinore vërejtje ndaj ankuesit
- III. Obligohet** Drejtori i Përgjithshëm dhe Udhëheqësi i Njesisë së Burimeve Njerëzore në Shërbimin Korrektues të Kosovës, që të bëjë zbatimin e këtij vendimi brenda afatit prej 15 ditësh nga dita e pranimit të këtij vendimi. që brenda afatit prej 15 ditësh nga dita e pranimit të këtij vendimi, të bëjë zbatimin e tij, duke e hequr masën disiplinore nga dosja e ankueses në pajtim me këtë vendim.
- IV. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.**



## A r s y e t i m

Ndaj ankuesit i punësuar sipas Kontratës së Punës për Kohë të Pacaktuar të datës 30.06.2018 në pozitën Zyrtar Korrektues në Qendrën e Paraburgimit në Prizren në kuadër të Shërbimit Korrektues të Kosovës, Mbikëqyrës i NJPB-së në Qendrën e Paraburgimit në Prizren më data 25.01.2022 ka nxjerr Vendim me numër protokolli 0088/23 përmes të cili ka shqiptuar masën disiplinore "vërejtje", me arsyetimin për dalje nga institucioni pa marr leje paraprake.

Ankuesi kundër këtij vendimi, më datë 14.02.2023 përmes postës ka parashtruar ankesë për Këshillin e e Pavarur Mbikëqyrës për Shërbimin Civil të Kosovës, e cila është pranuar më datë 16.02.2023 dhe është regjistruar nën shenjën A.nr.367/20233 me numër protokolli 1853/2023.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr. Nr.02/2018 për Procedurën e Shqyrtimit dhe Vendosjes së Ankesave, me datë 01.03.2023 ankesën e ankueses e ka proceduar për përgjigje në ankesë në Shërbimin Korrektues të Kosovës. Ndërsa Këshilli, me datë 03.03.2023 ka pranuar përgjigjen në ankesë së bashku me shkresat e bashkëngjitura të lëndës.

*Kolegji për Shqyrtimin dhe Vendosjen e Ankesave, ka administruar këto prova:* Ankesën me numër të protokollit 1853/2023 të datës 16.02.2023 të parashtruar nga ankuesi në Këshillin e Pavarur Mbikëqyrës për Shërbim Civil të Kosovës; Vendimi me numër protokolli 0088/23 të datës 25.01.2023 të Mbikëqyrësit në Qendrën e Paraburgimit në Prizren; Kërkesën për përgjigje në ankesë me datës 01.03.2023; Përgjigjen në ankesë e datës 03.03.2023; Kontratë pune për kohë të pacaktuar e datës 30.06.2018; Listën ditore e NJPB për ardhje në punë e datës 07.01.2023; Informatën e datës 12.01.2022 nga ankuesi; Informatë e datës 09.03.2023 nga Informatë e datës 07.01.2023 nga Mbikëqyrës i Lartë.

Kolegji për Shqyrtimin dhe Vendosjen e Ankesave, ka shqyrtuar të gjitha shkresat e bashkëngjitura në lëndë, të dërguara nga ankuesi dhe organi i punësimit, ka konstatuar se ankesa e ankuesit, *është e bazuar, sepse:*

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, kundër Vendimit me numër protokolli 0088/23 të datës 25.01.2023 të Mbikëqyrësit të NJPB-së në Qendrën e Paraburgimit në Prizren për shqiptimin e masës disiplinore vërejtje, pretendon se masa disiplinore është e shqiptuar në kundërshtim me legjislacionin në fuqi.

Kolegji i Këshillit, gjatë shqyrtimit të pretendimeve ankimore të ankuesit si dhe ligjshmërisë së Vendimit me numër protokolli 0088/23 të datës 25.01.2023, ka konstatuar se Mbikëqyrësi i NJPB-së në Qendrën e Paraburgimit në Prizren, në dispozitivit të këtij vendimi është thirrur në dispozitat e nenit 59 pikë 1.1 dhe nenit 58 pika 2.5 të Ligjit Nr. 08/L-131 për Shërbimin Korrektues të Kosovës, rrjedhimisht Kolegji i Këshillit, konstaton se me dispozitat e nenit 4 të Ligjit Nr.06/L-114 Për Zyrtarët Publikë është përcaktuar se: *1.Nëpunësit profesional të shërbimit diplomatik dhe shërbimi korrektues janë nëpunës civilë me status të veçantë, të cilët rregullohen me këtë ligj dhe me ligj të veçantë...*" dhe si rrjedhojë konstatoi së nëpunësit e shërbimit korrektues kanë statusin e nëpunësve civilë





me status të veçantë, respektivisht të njëjtit i nënshtrohen legjislacionit në fuqi për nëpunësit civilë si dhe ligjeve të veçanta lidhur me elementet e marrëdhënies së punës që kanë të bëjnë me: 1. kushte të veçanta apo shtesë për rekrutim; 2.2. të drejtat ose detyrimet specifike të tjera nga ato të parashikuara me këtë ligj; 2.3. rregullat e veçanta për zhvillimin e karrierës sipas sistemit të gradave; 2.4. zhvillimin profesional dhe nevojat për trajnime; 2.5. transferimin dhe sistematizimin e nëpunësve, i rezultat i kësaj, për masat disiplinore që aplikohen ndaj nëpunësit profesional të shërbimit korrektues bazë për trajtimin e tyre është Ligji Nr.06/L-114 Për Zyrtarët Publikë, ndërsa në rastin konkret Mbikëqyrësi i NJPB-së në Qendrën e Paraburgimit në Prizren nuk ka dhënë asnjë arsyetim konkret se cilat dispozitat të Ligjit Nr.06/L-114 Për Zyrtarët Publikë i kë shkelur ankuesi me veprimet e tij, duke mos konstatuar drejtë elementet e përgjegjësive disiplinore të përcaktuar me nenin 45 të Ligjit Nr. 06/L-114 për Zyrtarët Publikë, i cili përcakton se: *“Përgjegjësia disiplinore është moszbatimi apo zbatim jo i duhur i detyrave të punës dhe detyrimeve të tjera ligjore, që përmban elementet si në vijim: 1.1. “ekzistimin e veprimit të paligjshëm apo mosveprimit;” 1.2. kryerjen e veprimit me faj apo mosveprimit; 1.3. ndodhja e pasojës 1.4. ndodhja e dëmit; dhe 1.5. lidhjen shkakësore ndërmjet veprimit të kryer dhe pasojës/dëmit”*.

Kolegji i Këshillit, konstaton se më datë 07.01.2023 ankuesi ka qenë i angazhuar në përcjelljen e një të burgosur për vizitë të jashtëzakonshme, i cili ka bërë regjistrimin në punë nën orën 11:10 minuta, ndërsa në vendimin e konstatuar me ankesë Mbikëqyrësi i NJPB-së në Qendrën e Paraburgimit në Prizren me rastin e shqiptimit të masës disiplinore ndaj ankuesit thekson se ankuesi më datë 07.01.2023 është nënshkruar në listën e ardhjes në punë në orën 11:10 minuta ndërsa pa fletëdalje del nga institucioni deri në orën 11:45 minuta, ndërsa në bazë të shkresave të lëndës, resektivisht informatës së ankuesit të datës 10.01.2023 i njëjti deklaroi se daljen e ka bërë për ta rregulluar parkingun e veturës, ngase vizita e jashtëzakonshme ka qenë e planifikuar të bëhet në orën 12:00, ndërsa në bazë të informatës së datës 09.03.2022 të zyrtarit i njëjti ka deklaruar që kjo vizitë është përfunduar pas asnjë vërejtje.

Kolegji i Këshillit, në bazë të vendimit të kontestuar me ankesë, konstaton se Mbikëqyrësi i NJPB-së në Qendrën e Paraburgimit në Prizren me rastin e shqiptimit të masës disiplinore ndaj ankuesit nuk ka marrë për bazë dispozitat e nenit 50 paragrafi 1 të Ligjit Nr. 06/L-114 për Zyrtarët Publikë, i cili përcakton se: *“Për përcaktimin e masës disiplinore të zbatueshme, mbikëqyrësi i drejtpërdrejtë ose komisioni disiplinor bazohet në: 1.1. shkaqet, rrethanat e kryerjes së shkeljes, rëndësinë dhe pasojat e saj; 1.2. shkallën e fajësisë; 1.3. ekzistencën e masave të tjera disiplinore të mëparshme të pashlyera, sipas nenit 47 të këtij ligji; 1.4. përpjekjet e mëparshme të nëpunësit për shmangien apo kufizimin e dëmit”,* rrjedhimisht në vlerësimin e Kolegjit të Këshillit Mbikëqyrësi i NJPB-së në Qendrën e Paraburgimit në Prizren ka dështuar të vërtetojë faktet nëse ankuesi me veprimet e tij nuk ka shkaktuar ndonjë dëm për institucionin apo palën tjetër, kështu që pretendimet e ankuesit janë të bazuara.

Andaj mbi bazë të këtyre dispozitave ligjore dhe mbi bazë të kësaj gjendje faktike, Kolegji i Këshillit, konstaton se Vendimin me numër protokollit 0088/23 i datës 25.01.2023 i Mbikëqyrësit të NJPB-së në Qendrën e Paraburgimit në Prizren për shqiptimin e masës disiplinore vërejtje ndaj ankuesit, është në kundërshtim me nenin 45, 47, 48 dhe 50 të Ligjit Nr. 06/L-114 për Zyrtarët Publikë dhe dispozitave të Rregullores (QRK) Nr. 11/2020 për Disiplinën dhe Ankesat e



Zyrtarëve Publikë, si dhe i njëjti është i paligjshme në kuptim të nenit 52 paragrafi 1 nën paragrafi 1.3 të Ligjit Nr.05/L-031 për Procedurën e Përgjithshme Administrative, rrjedhimisht Drejtori i Përgjithshëm dhe Udhëheqësi i Njesisë së Burimeve Njerëzore në Shërbimin Korrektues të Kosovës, në pajtim me dispozitivin e këtij vendimi, janë të obliguar që bëjnë heqjen e masës disiplinore ndaj ankueses nga dosja personale e saj sipas këtij vendimi.

Kolegji për shqyrtimin dhe vendosjen e ankesave, pas shqyrtimit të shkresave të lëndës si dhe duke u bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.2 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetarja e Kolegjit.

**Këshillë juridike:**

*Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë -Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.*

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda me numër A.nr.367/2023

**Avdyl BEKTESHI**

Zyrtar i Lartë për Bashkëpunim Profesional

**Malsore Gashi-BAJRAKTARI**

Kryetare e Kolegjit

**Vendimi i dorëzohet:**

- Ankuesit,
- Drejtorit të Përgjithshëm në Shërbimin Korrektues të Kosovës;
- Udhëheqësit të Burimeve Njerëzore në Shërbimin Korrektues të Kosovës dhe
- Arkivit të KPMSHCK-së.